

XIII.

Series maxime idoneae pro circuli quadratura proxime invenienda.

1. Antequam Analyseos infinitorum principia essent perspecta, nulla alia via rationem peripheriae ad diametrum explorandi patebat, praeter considerationem polygonorum circulo cum inscriptorum tum circumscriptorum. Ex quo fonte primum Archimedes notissimam proportionem 22 ad 7, tum vero Metius veritati propiorem 355 ad 113 elicuit; donec tandem Ludolfus a Ceulen hanc proportionem ad 35 figurās in partibus decimalibus produxit, quem stupendum et molestissimum laborem certe vix ulterius prosequi licuisset. Deinde vero, cum Analysis infinitorum ope, series idoneae rationem diametri ad peripheriam exprimentes essent exhibitae, multo minore labore ratio Ludolfiana multo longius, primo scilicet a Scharpio ad 72, tum vero a Machino ad 100, ac denique a Lagnio ad 128 figurās decimalēs est continuata; ex qua ratione si circumferentia circuli, cuius diameter distantiam stellarum fixarum maxime remotarum superaret, computaretur, ne millesima quidem pollicis parte a veritate aberraretur.

2. Assidui autem hi calculatores, quorum industria summam meretur laudem et admirationem omnes usi sunt serie, qua arcus circuli ex tangente definitur, ita ut posita tangente $= t$, radio existente $= 1$, arcus respondens sit

$$= t - \frac{1}{3} t^3 + \frac{1}{5} t^5 - \frac{1}{7} t^7 + \frac{1}{9} t^9 - \text{etc.},$$

quae series utique maxime convergens reddi posset, si tangentem t pro lubitu diminuere liceret. Verum cum hinc ratio diametri ad peripheriam concludi nequeat, nisi arcus ille ad totam peripheriam assignabilem et cognitam teneat rationem, vix minorem arcum in hunc finem accipere licet quam 30° , cuius tangens est $\frac{1}{\sqrt{3}}$; unde denotante π peripheriam circuli, cuius diameter est $= 1$,

$$\frac{\pi}{6} = \frac{1}{\sqrt{3}} \left(1 - \frac{1}{3 \cdot 3} + \frac{1}{5 \cdot 3^2} - \frac{1}{7 \cdot 3^3} + \frac{1}{9 \cdot 3^4} - \frac{1}{11 \cdot 3^5} + \text{etc.} \right),$$

$$\text{seu } \pi = \left(1 - \frac{1}{3 \cdot 3} + \frac{1}{5 \cdot 3^2} - \frac{1}{7 \cdot 3^3} + \frac{1}{9 \cdot 3^4} - \frac{1}{11 \cdot 3^5} + \text{etc.} \right) \sqrt{12}.$$

Etsi enim angulus 18° , cuius tangens est $\sqrt{1 - 2\sqrt{\frac{1}{5}}}$, seriem multo magis reddat convergentem duplex tamen irrationalitas calculum tantopere molestum reddit, ut nullum inde compendium sperari possit, quae molestia pro minoribus angulis multo magis increscit.

3. Exercitatissimus etiam calculator Lagnius, qui hunc calculum longissime est prosecutus, angulum 30° aliis minoribus in hoc negotio praferendum censuit; verum antequam ipsius seriei terminos evolvere posset, ex numero 12 radicem quadratam ultra 128 figuras decimales exactam extrahere erat coactus; quem laborem certe 12 horarum spatio expedire haud potuit, quin potius crediderim auctorem ei aliquot adeo dies insudasse, quandoquidem summa, qua opus est, attentio, cum relaxationem tum revisionem plurimumque operationum repetitionem postulat. Hoc autem labore exanthlato ipsius seriei 265 terminos ad minimum evolvere debebat; primo igitur numerium $\sqrt{12}$ ad 128 figuras expressum continuo 265 vicibus per ternarium dividi oportebat, ad quod negotium, si ejusque figurae inventioni et scriptioni unum minutum secundum tribuamus, quinque horae vix sufficiebant. Deinde quotos hos singulos respective per numeros impares 3, 5, 7, 9, 11, 13, etc. dividi erat necesse, quae opera, ob divisores continuo maiores, ad minimum tempus duplo majus, ideoque 10 horarum postulabat. Denique additio cum terminorum affirmativorum, tum negativorum utraque seorsim breviori quam quinque horarum spatio expediri haud poterat: sieque totus labor intra 37 horas omni adhibita diligentia neutiquam potuerat absolviri. Nullum autem est dubium, quin auctor tempus duplo imo triplo majus impenderit.

4. Quemadmodum autem hic labor mirifice sublevari potuisset, jam pridem ostendi, ubi angulum semirectum in duas pluresve partes dividere docui, quarum tangentes sint rationales. Ita cum sit $\frac{\pi}{4} = \text{Ang. tang } 1 + \text{Ang. tang } \frac{1}{2} + \text{Ang. tang } \frac{1}{3}$, erit per duas series

$$\begin{aligned}\pi &= +2\left(1 - \frac{1}{3 \cdot 4} + \frac{1}{5 \cdot 4^2} - \frac{1}{7 \cdot 4^3} + \frac{1}{9 \cdot 4^4} - \text{etc.}\right) \\ &\quad + \frac{4}{3}\left(1 - \frac{1}{3 \cdot 9} + \frac{1}{5 \cdot 9^2} - \frac{1}{7 \cdot 9^3} + \frac{1}{9 \cdot 9^4} - \text{etc.}\right),\end{aligned}$$

quarum adeo prior magis convergit, quam praecedens, ex tangentे anguli 30° petita; neque hic ulla extractione radicis opus est, quae sola in calculo praecedenti labore 12 horarum postulaverat. Deinde priores utriusque seriei termini saltem multo minore labore evolvuntur, cum vel paucis constant figuris, vel periodum in iis agnoscant, unde calculus admodum fit expeditus. Etsi autem hic duas series in unam summam colligi oportet, tamen quia magis convergent, multo paucioribus opus est terminis: ita si fractionem decimalē pro π ad 128 figurā justam desideremus, prioris seriei terminos 210, posterioris vero 132 capi conveniet, qui totus labor, praecedente ratione aestimatus, vix 24 horas requirere videtur.

5. Deinde ex eodem principio, cum sit in generē

$$\text{Ang. tang } \frac{1}{a} = \text{Ang. tang } \frac{1}{b} + \text{Ang. tang } \frac{b-a}{ab-a},$$

erit $\text{Ang. tang } \frac{1}{2} = \text{Ang. tang } \frac{1}{3} + \text{Ang. tang } \frac{1}{7}$, ideoque

$$\frac{\pi}{4} = 2 \text{ Ang. tang } \frac{1}{3} + \text{Ang. tang } \frac{1}{7},$$

unde per duas series magis convergentes fit

$$\pi = -\frac{8}{3} \left(1 - \frac{1}{3.9} + \frac{1}{5.9^2} - \frac{1}{7.9^3} + \frac{1}{9.9^4} - \frac{1}{11.9^5} + \text{etc.} \right)$$

$$+ \frac{4}{7} \left(1 - \frac{1}{3.49} + \frac{1}{5.49^2} - \frac{1}{7.49^3} + \frac{1}{9.49^4} - \frac{1}{11.49^5} + \text{etc.} \right).$$

Hinc ergo si valor ipsius π ad 128 figuras justus colligi debeat, prioris seriei 132 terminos, posterioris vero tantum 75 terminos evolvisse sufficiet, horum autem 207 terminorum evolutio certe multo minorem operam requirit, quam calculus a Lagnio subductus, extractione radicis, quae tertiam partem insumebat, exclusa. Ex quo totus hic labor vix 18 horarum esset aestimandus, divisio per numerum 49 aliquam molestiam crearet.

6. Simili modo loco $\text{Ang. tang } \frac{1}{3}$, si non satis parvus videatur, minores introduceré poterimus servatoque altero habebimus $\text{Ang. tang } \frac{1}{3} = \text{Ang. tang } \frac{1}{7} + \text{Ang. tang } \frac{2}{11}$, ideoque

$$\frac{\pi}{4} = 2 \text{ Ang. tang } \frac{2}{11} + 3 \text{ Ang. tang } \frac{1}{7}, \quad \text{et}$$

$$\pi = -\frac{16}{11} \left(1 - \frac{4}{3.121} + \frac{4^2}{5.121^2} - \frac{4^3}{7.121^3} + \frac{4^4}{9.121^4} - \text{etc.} \right)$$

$$+ \frac{12}{7} \left(1 - \frac{1}{3.49} + \frac{1}{5.49^2} - \frac{1}{7.49^3} + \frac{1}{9.49^4} - \text{etc.} \right).$$

Verum etsi hic multo pauciores terminos assumsisse sufficiat, divisio tamen per maiores numeros et 121 omne fere lucrum adimere videtur. Neque adeo haec transformatio:

$$\text{Ang. tang } \frac{2}{11} = \text{Ang. tang } \frac{1}{7} + \text{Ang. tang } \frac{3}{79}, \quad \text{quae praebet}$$

$$\frac{\pi}{4} = 5 \text{ Ang. tang } \frac{1}{7} + 2 \text{ Ang. tang } \frac{3}{79}$$

calculo contrahendo inserviet; etiamsi enim series pro altero angulo vehementer convergat, indeoles fractionis $\frac{3}{79}$ labore non mediocriter adauget, ita ut praestare videatur seriebus longius minus convergentibus uti.

7. Quando autem calculo numerico est consulendum, non solum ad convergentiam serierum quarum termini in summam colligi debent, respici convenit, sed potissimum ad facilitatem, quae singuli termini per operationes arithmeticas evolvantur: ita si seriei progressio geometrica sit admixta calculus facillime expeditur, si hujus termini in ratione vel decupla, vel centupla, vel milieuplicata decrescant. Quamobrem seriei, qua angulus, cuius tangens est $= \frac{1}{7}$, ac multo magis ejus, cuius tangens est $= \frac{3}{79}$, termini non sine ingenti labore evolvuntur, qui forte tantus est, ut quilibet maioriter multo plures terminos serierum pro angulis, quorum tangentes sunt $\frac{1}{2}$ et $\frac{1}{3}$ expedire, nequam enim major convergentia laborem, quem singulorum terminorum postulat evolutio, compensari videtur. Sin autem ejusmodi angulis uti licet, quorum tangentes essent $\frac{1}{10}$, $\frac{1}{50}$, $\frac{1}{100}$, etc. nullum est dubium, quin praeter majorem convergentiam, etiam calculus singulorum terminorum mirum modum sublevaretur.

8. Hunc autem usum egregie praestat alia seriei forma, qua arcum circularem ex data ejus tangentie exprimere licet. Deduxi autem hanc seriem ex consideratione formulae differentialis

$$\frac{dx}{\sqrt{1-xx}} \text{ ponendo ejus integrale } \int \frac{dx}{\sqrt{1-xx}} = z \sqrt{1-xx}.$$

Quicquid enim siet differentiando

$$dx = dz(1-xx) - xzdx, \text{ seu } \frac{dz}{dx}(1-xx) - xz - 1 = 0.$$

$$\text{Statuatur nunc } z = Ax + Bx^3 + Cx^5 + Dx^7 + Ex^9 + \text{etc.}$$

$$\text{Atque hinc colligemus } \frac{dz}{dx} = A + 3Bx^2 + 5Cx^4 + 7Dx^6 + 9Ex^8 + \text{etc.}$$

$$-\frac{xxdz}{dx} = -Axx - 3Bx^4 - 5Cx^6 - 7Dx^8 - \text{etc.}$$

$$-xz = -Axx - Bx^4 - Cx^6 - Dx^8 - \text{etc.}$$

$$-1 = -1.$$

Singulis ergo terminis ad nihilum redigendis invenitur

$$A = 1, \quad B = \frac{2}{3}A, \quad C = \frac{4}{5}B, \quad D = \frac{6}{7}C, \quad E = \frac{8}{9}D, \quad \text{etc.}$$

$$\text{ita ut sit Ang. sin } x = x \sqrt{1-xx} \cdot (1 + \frac{2}{3}x^2 + \frac{2 \cdot 4}{3 \cdot 5}x^4 + \frac{2 \cdot 4 \cdot 6}{3 \cdot 5 \cdot 7}x^6 + \frac{2 \cdot 4 \cdot 6 \cdot 8}{3 \cdot 5 \cdot 7 \cdot 9}x^8 + \text{etc.}).$$

9. Sit jam $\frac{m}{n}$ tangens hujus anguli, cujus sinus positus est $= x$, eritque

$$x = \frac{m}{\sqrt{mm+nn}} \quad \text{et} \quad \sqrt{1-xx} = \frac{n}{\sqrt{mm+nn}},$$

qua ut irrationalitas jam ex calculo excedat fiatque

$$\text{Ang. tang } \frac{m}{n} = \frac{mn}{mm+nn} \left(1 + \frac{2mm}{3(mm+nn)} + \frac{2 \cdot 4 \cdot m^4}{3 \cdot 5 (mm+nn)^2} + \frac{2 \cdot 4 \cdot 6 \cdot m^6}{3 \cdot 5 \cdot 7 (mm+nn)^3} + \text{etc.} \right),$$

quae series non solum magis convergit quam vulgaris ante usitata

$$\text{Ang. tang } \frac{m}{n} = \frac{m}{n} \left(1 - \frac{m^2}{3n^2} + \frac{m^4}{5n^4} - \frac{m^6}{7n^6} + \frac{m^8}{9n^8} - \text{etc.} \right),$$

sed etiam singuli termini fere pari facilitate evolvuntur, quoniam continua multiplicatio per fractiones $\frac{2}{3}, \frac{4}{5}, \frac{6}{7}, \text{ etc.}$ non difficilius instituitur, quam divisio per numeros 3, 5, 7, 9, etc. Tum vero, in quo maximum commodum cernitur, in eo constat, si numeri $mm+nn$ ad dividendum fuerint antiores, quam simplices potestates ipsius n , quod commodum imprimis in angulis supra exhibitis eum habet. Haud minimi etiam in hac nova serie est momenti, quod omnes terminos invicem audi conveniat, cum in vulgari alternatim debeant addi et subtrahi.

10. Secundum hanc igitur novam seriem angulos supra exhibitos evolvamus, atque obtinebimus:

$$\text{I. Ang. tang } \frac{1}{2} = \frac{2}{5} \left(1 + \frac{2}{3} \cdot \frac{1}{5} + \frac{2 \cdot 4}{3 \cdot 5} \cdot \frac{1}{5^2} + \frac{2 \cdot 4 \cdot 6}{3 \cdot 5 \cdot 7} \cdot \frac{1}{5^3} + \text{etc.} \right)$$

$$\text{II. Ang. tang } \frac{1}{3} = \frac{3}{10} \left(1 + \frac{2}{3} \cdot \frac{1}{10} + \frac{2 \cdot 4}{3 \cdot 5} \cdot \frac{1}{10^2} + \frac{2 \cdot 4 \cdot 6}{3 \cdot 5 \cdot 7} \cdot \frac{1}{10^3} + \text{etc.} \right)$$

$$\text{III. Ang. } \tan \frac{1}{7} = \frac{7}{50} \left(1 + \frac{2}{3} \cdot \frac{1}{50} + \frac{2 \cdot 4}{3 \cdot 5} \cdot \frac{1}{50^2} + \frac{2 \cdot 4 \cdot 6}{3 \cdot 5 \cdot 7} \cdot \frac{1}{50^3} + \text{etc.} \right)$$

$$\text{IV. Ang. } \tan \frac{3}{79} = \frac{237}{6250} \left(1 + \frac{2}{3} \cdot \frac{9}{6250} + \frac{2 \cdot 4}{3 \cdot 5} \cdot \frac{9^2}{6250^2} + \frac{2 \cdot 4 \cdot 6}{3 \cdot 5 \cdot 7} \cdot \frac{9^3}{6250^3} + \text{etc.} \right),$$

quae series ad calculum arithmeticum manifesto magis sunt accommodatae quam praecedentes, cum prima exigat continuam divisionem per 5, secunda per 10, tertia per 50 et quarta per 6250, quae ideo est perquam commoda quod $\frac{9}{6250} = \frac{144}{100000}$: quam ob causam has series praecedentibus longissime anteferendas esse censeo.

11. Denotet more Newtoniano in quavis serie littera P terminum quemque praecedentem totum quo facilius pateat, quibusnam operationibus inde elici oporteat terminum sequentem; atque prima forma $\pi = 4 \text{ Ang. } \tan \frac{1}{2} + 4 \text{ Ang. } \tan \frac{1}{3}$ suppeditat has series

$$\begin{aligned} \pi = & -\frac{8}{5} + \frac{2}{3} \cdot \frac{1}{5} P + \frac{4}{5} \cdot \frac{1}{5} P + \frac{6}{7} \cdot \frac{1}{5} P + \frac{8}{9} \cdot \frac{1}{5} P + \text{etc.} \\ & + \frac{6}{5} + \frac{2}{3} \cdot \frac{1}{10} P + \frac{4}{5} \cdot \frac{1}{10} P + \frac{6}{7} \cdot \frac{1}{10} P + \frac{8}{9} \cdot \frac{1}{10} P + \text{etc.} \end{aligned}$$

Secunda autem forma $\pi = 8 \text{ Ang. } \tan \frac{1}{3} + 4 \text{ Ang. } \tan \frac{1}{7}$ dat

$$\begin{aligned} \pi = & -\frac{24}{10} + \frac{2}{3} \cdot \frac{1}{10} P + \frac{4}{5} \cdot \frac{1}{10} P + \frac{6}{7} \cdot \frac{1}{10} P + \frac{8}{9} \cdot \frac{1}{10} P + \text{etc.} \\ & + \frac{56}{100} + \frac{2}{3} \cdot \frac{1}{50} P + \frac{4}{5} \cdot \frac{1}{50} P + \frac{6}{7} \cdot \frac{1}{50} P + \frac{8}{9} \cdot \frac{1}{50} P + \text{etc.} \end{aligned}$$

at ex tertia $\pi = 20 \text{ Ang. } \tan \frac{1}{7} + 8 \text{ Ang. } \tan \frac{3}{79}$ prodit

$$\begin{aligned} \pi = & -\frac{28}{10} + \frac{2}{3} \cdot \frac{1}{50} P + \frac{4}{5} \cdot \frac{1}{50} P + \frac{6}{7} \cdot \frac{1}{50} P + \frac{8}{9} \cdot \frac{1}{50} P + \text{etc.} \\ & + \frac{948}{3125} + \frac{2}{3} \cdot \frac{144}{100000} P + \frac{4}{5} \cdot \frac{144}{100000} P + \frac{6}{7} \cdot \frac{144}{100000} P + \frac{8}{9} \cdot \frac{144}{100000} P + \text{etc.} \end{aligned}$$

In his postremis seriebus prior ita convergit, ut quilibet terminus sit fere quinquages minor praecedente; posterior vero ita, ut quilibet terminus sit fere septingenties minor praecedente; ex quo hoc commodi assequimur, ut non sit opus in terminis primum sequentibus cyphras antecedentes scribere, quoniam nullum est periculum, ut in locis decimalibus, ubi quivis terminus incipere debet, fallatur hinc calculus non mediocriter sublevatur.

12. His perpensis non dubito pronunciare rationem peripheriae ad diametrum, seu valorem ipsius π commodissime et promittissime obtineri ex his duabus seriebus

$$\begin{aligned} \pi = & 2,8 + P \cdot \frac{2}{3} \cdot \frac{2}{100} + P \cdot \frac{4}{5} \cdot \frac{2}{100} + P \cdot \frac{6}{7} \cdot \frac{2}{100} + \text{etc.} \\ & + 0,30336 + P \cdot \frac{2}{3} \cdot \frac{144}{100000} + P \cdot \frac{4}{5} \cdot \frac{144}{100000} + P \cdot \frac{6}{7} \cdot \frac{144}{100000} + \text{etc.}, \end{aligned}$$

neque enim certe aliae exhiberi possunt series, quae tantopere convergant, simulque singuli termini tam facile per calculum arithmeticum evolvantur. Hinc ergo speciminis loco valorem π tantum

notas decimales deducam, et quo calculus certior reddatur, eum ad 22 notas extendam, in similius autem terminis finem tantum notabo, ut nota 22^{da} sit ultima, quoniam hinc initium sponte prioris ergo seriei terminorum evolutio ita se habebit

I.	2,80000000000000000000000000000000	
	93333333333333333333333333	div. per 3
	18666666666666666666666666	mult. per $\frac{2}{100}$
II.	37333333333333333333333333	div. per 5
	74666666666666666666666666	mult. per $\frac{2}{100}$
	29866666666666666666666666	div. per 7
III.	597333333333333333333333	mult. per $\frac{2}{100}$
	8533333333333333333333	div. per 9
	113777777777777777	mult. per $\frac{2}{100}$
IV.	10240000000000000000	div. per 11
	910222222222222222	mult. per $\frac{2}{100}$
V.	1820444444444444	div. per 13
	1654949494949494	mult. per $\frac{2}{100}$
	33098989898989	div. per 15
VI.	2546076146076	mult. per $\frac{2}{100}$
	30552913752913	div. per 17
VII.	611058275058	mult. per $\frac{2}{100}$
	40737218337	div. per 19
	570321056721	mult. per $\frac{2}{100}$
VIII.	11406421134	div. per 21
	670965949	mult. per $\frac{2}{100}$
	10735455185	div. per 23
IX.	214709103	mult. per $\frac{2}{100}$
	11300479	div. per 25
	203408624	mult. per $\frac{2}{100}$
X.	4068172	div. per 27
	193722	mult. per $\frac{2}{100}$
	3874450	div. per 29
XI.	77489	mult. per $\frac{2}{100}$
	3369	div. per 31
	74120	mult. per $\frac{2}{100}$
XII.	1482	div. per 33
	59	mult. per $\frac{2}{100}$
	1423	div. per 35
XIII.	28	mult. per $\frac{2}{100}$

Hujus ergo seriei 13 termini sufficiunt pro viginti duabus notis expediendis, unde concludere licet si calculum ad $22n$ notas continuari oporteret, omnino $13n$ notas sufficere: ex quo calculus ad 128 notas continuandus postulabit 76 terminos. Postremi autem proxime constituunt progressionem geometricam in ratione 1:50 decrescentem, unde plures eorum evolvi non est opus.

13. Altera autem series sequenti calculo computabitur:

I	$0,30336000000000000000$	div. per 3
	<u>10112000000000000000</u>	
	<u>20224000000000000000</u>	mult. per $\frac{144}{100000}$
II	29122560000000000000	div. per 5
	<u>58245120000000000000</u>	
	<u>23298048000000000000</u>	mult. per $\frac{144}{100000}$
III	3354918912000000	div. per 7
	<u>479274430285714</u>	
	<u>2875644781714285</u>	mult. per $\frac{144}{100000}$
IV	440928485668	div. per 9
	<u>460103165074</u>	
	<u>3680825320594</u>	mult. per $\frac{144}{100000}$
V	5300388461	div. per 11
	<u>481853496</u>	
	<u>4818534965</u>	mult. per $\frac{144}{100000}$
VI	6938690	div. per 13
	<u>533745</u>	
	<u>6404945</u>	mult. per $\frac{144}{100000}$
VII	9223	div. per 15
	<u>615</u>	
	<u>8608</u>	mult. per $\frac{144}{100000}$
VIII	12	

Hujus ergo seriei pro viginti duabus notis tantum opus est octo terminis, unde 22 n notae circiter postulabunt evolutionem $8n$ terminorum, hincque pro 128 notis sufficiet evolvisse 47 terminos.

14. Utriusque ergo seriei terminos inventos seorsim in summam colligamus, ac prior quidem summatio ita se habebit:

I.	2,8000000000000000000000000
II.	3733333333333333333333
III.	59733333333333333333
IV.	10240000000000000000
V.	1820444444444444
VI.	33098989898989
	2,8379410920210101010101
VII.	611058275058
VIII.	11406421134
IX.	214709103
X.	4068172
XI.	77489
XII.	1482
XIII.	28
	2,8379410920832784562570

mili modo addantur termini alterius seriei

I.	0,3033600000000000000000000
II.	2912256000000000000000000
III.	3354918912000000
IV.	4140928485668
V.	5300388461
VI.	6938690
VII.	9223
VIII.	12
	0,3036545615065147822055
prior	2,8379410920832784562570
$\pi =$	3,1415926535897932384625

qui numerus sola ultima nota excepta justus deprehenditur, totusque hic calculus laborem unius
perciter horae consumsit; ex quo intelligere licet, si quis tantum laborem, quantum Lagnius im-
pendere velit, eum valorem peripheriae π facile ad 200 figurās decimales esse extensurum.

15. Ceterum ad calculi ulterius continuandi compendium notasse juvabit, in utriusque seriei
terminis prioribus revolutiones notarum occurrere, quibus semel observatis hos terminos quousque
inuenir, facillime continuare licebit, ita prioris, seriei termini priores omissis in quoque cyphris
initialibus, sequenti modo procedent, ubi notas periodicas deinceps continuo repetendas uncinulis
inclusi:

I.	2,800 etc.
II.	37333 etc.
III.	597333 etc.
IV.	102400 etc.
V.	1820444 etc.
VI.	330 (98) (98) etc.
VII.	611 (058275) (058275) etc.
VIII.	11406 (421134) (421134) etc.
IX.	21470 (910370675076557429498605969194204488322135380958) (9103 etc.

Seriei autem posterioris termini priores in infinitum continuati sunt:

- I. 0,3033600, etc.
- II. 291225600, etc.
- III. 335491891200, etc.
- IV. 414092848566(857142)(857142) etc.
- V. 53003884616557(714285)(714285) etc.
- VI. 693869034980391 (896103) (896103) etc.
- VII. 92231207111239784 (343656) (343656) etc.
- VIII. 123958742357506270157 (874125) etc.

16. Colligamus nunc octo priores terminos in infinitum continuatos in unam summam, ut ea statim qui calculum ulterius continuare voluerit uti queat, et pariter revolutiones periodicas in utraque summa indicemus:

Summa 8 priorum terminorum seriei prioris

- I. 2,80
 - II. 3733333333333333 333333333333
 - III. 5973333333333333 333333333333
 - IV. 102400000000 000000000000
 - V. 1820444444 444444444444
 - VI. 33098989 8989898989898
 - VII. 2,8379410920210101 01010101010
 - VIII. 611058 27505827505
-
- VIII. 11406 42113444113
 - 2,8379410920832565,70629370629
- seu 2,8379410920832565,706293,706293, etc.

Pro posteriori serie

- I. 0,30336
 - II. 2912256
 - III. 3354918912
 - IV. 414092848566857142 etc.
 - V. 0,303651561505984048566857142857142857142 etc.
 - V. 530038846165577142857142857
 - V. 0,30365156150651408741302272000000000000000
 - VI. 6938690349803918961038961 038961 038961 03
 - VII. 9223120711123978434365 634365 634365 63
 - VIII. 12395874235706270157 874125 874125 87
-
- VIII. 6947925866389278645743484 547452 547452 54
 - 0,30365156150651408741302272000000000000000000000000
-
- VIII. 0,3036515615065147822056093589278645743484,547452,547452,54

hinc summa octo priorum terminorum est

$$0,3036515615065147822056093589278645743484,547452, \text{etc.}$$

at terminus sequens nonus sub nota demum vigesima quarta quae est 9 incipit, unde facile accu-
tiores approximationes indagare licet.

17. In evolutione quidem terminorum ulteriorum divisio per majores numeros impares moram facessere potest, ita ut ad has operationes multo majus tempus sit impendendum, quam supra ad minores spectans divisores aestimavi. Verumtamen haec difficultas in serie vulgari ex angulo 30° petita multo est major, propterea quod ob plures terminos evolvendos, etiam majoribus divisoribus opus est conficiendum, praeterquam quod antequam haec operatio suscipi queat, tam taediosam radicis extractionem absolvit oportet. Quamobcausam dubium plane nullum superesse potest, quin calculator his binis novis seriebus utens longe facilius et promptius rationem peripheriae ad diametrum pro quovis praecisionis gradu definire queat, quam si calculum more consueto institueret; et quantumvis temporis spatium in hunc laborem insumere cogatur, certum est more solito tempus plus quam duplo majus requiri.

18. Ceterum observasse adhuc juvabit seriem hic pro arcu ex tangente traditam etiam directe ex serie consueta

$$s = t - \frac{1}{3} t^3 + \frac{1}{5} t^5 - \frac{1}{7} t^7 + \frac{1}{9} t^9 - \text{etc.}$$

ut s sit arcus cujus tangens $= t$, elici posse; cum enim sit

$$ts = t^3 - \frac{1}{3} t^5 + \frac{1}{5} t^7 - \frac{1}{7} t^9 + \text{etc.}$$

erit addendo $(1+tt)s = t + \frac{2}{3} t^3 - \frac{2}{3.5} t^5 + \frac{2}{5.7} t^7 - \frac{2}{7.9} t^9 + \text{etc.}$

Porro $tt(1+tt)s = t^3 + \frac{2}{3} t^5 - \frac{2}{3.5} t^7 + \frac{2}{5.7} t^9 + \text{etc.}$

et addendo $(1+tt)^2s = t(1+tt) + \frac{2}{3} t^3 + \frac{2.4}{3.5} t^5 - \frac{2.4}{3.5.7} t^7 + \frac{2.4}{5.7.9} t^9 + \text{etc.}$

simili modo reperitur ulterius:

$$(1+tt)^3s = t(1+tt)^2 + \frac{2}{3} t^3(1+tt) + \frac{2.4}{3.5} t^5 + \frac{2.4.6}{3.5.7} t^7 + \frac{2.4.6}{5.7.9} t^9 + \text{etc.}$$

$$(1+tt)^4s = t(1+tt)^3 + \frac{2}{3} t^3(1+tt)^2 + \frac{2.4}{3.5} t^5(1+tt) + \frac{2.4.6}{3.5.7} t^7 + \frac{2.4.6.8}{3.5.7.9} t^9 + \text{etc.}$$

sicque continuo progrediendo evidens est hinc obtineri:

$$s = \frac{t}{1+tt} + \frac{2}{3} \cdot \frac{t^3}{(1+tt)^2} + \frac{2.4}{3.5} \cdot \frac{t^5}{(1+tt)^3} + \frac{2.4.6}{3.5.7} \cdot \frac{t^7}{(1+tt)^4} + \text{etc.},$$

seu $s = \frac{t}{1+tt} \left(1 + \frac{2}{3} \cdot \frac{tt}{1+tt} + \frac{2.4}{3.5} \cdot \frac{t^4}{(1+tt)^2} + \frac{2.4.6}{3.5.7} \cdot \frac{t^6}{(1+tt)^3} + \text{etc.} \right)$

Quae series ponendo $t = \frac{m}{n}$ cum ante exhibita congruit.

19. Quoniam seriei prioris terminum nonum exhibui, cuius revolutiones periodicae 48 figurae complectuntur, seriei quoque posterioris terminum nonum hic subjungam

IX. 16800055435025555673161 (293294940353763883175647881530234471410941999177) (293 etc.)

Cum 23 cyphrae sunt praefigendae, antequam ad comma, partes decimales a loco integrorum separans, perveniantur, ita ut prima hujus termini periodus in loco nonagesimo quarto terminetur. Si loco

notarum periodicarum velimus fractionem ordinariam adicere, hic terminus nonus ita finite exprimetur

$$\text{IX. } 16800055435025555673161 \frac{713}{2431} \left[= \frac{9}{11} - \frac{3}{13} - \frac{5}{17} \right].$$

Simili autem modo prioris seriei terminus nonus expressus est

$$21470 \frac{21002}{21879}.$$

Deinde summas octo terminorum supra exhibitas ita repraesentare licet

Prioris seriei

$$\text{Summa I...VIII } 2,8379410920832565 \quad \frac{101}{143} \left[= \frac{1}{11} + \frac{8}{13} \right]$$

$$\text{terminus IX } \quad \quad \quad 21470 \frac{21002}{21879} \left[= \frac{5}{9} + \frac{4}{11} - \frac{2}{13} + \frac{2}{17} \right]$$

$$\text{summa I...IX } 2,837941092083278041 \frac{12893}{21879}$$

Posterioris seriei

$$\text{I...VIII } 0,3036515615065147822056093589278645743484 \frac{548}{1001}$$

$$\text{IX } \quad \quad \quad 16800055435025555673161 \frac{713}{2431}$$

$$\text{I...IX } 0,3036515615065147822056110389334080769040220613 \frac{14307}{17017}$$

$$\text{ubi notetur esse } \frac{14307}{17017} = \frac{3}{7} + \frac{1}{11} + \frac{8}{13} - \frac{5}{17},$$

unde hujus fractionis evolutio est in promtu. Parique modo est prior fractio

$$\frac{12893}{21879} = \frac{5}{9} + \frac{5}{11} - \frac{7}{13} + \frac{2}{17}.$$